



Na osnovu člana 24. stav (3) Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine broj: U-13/16), člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Zeničko-dobojskog kantona“, broj: 3/12) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj: 13/19), a na zahtjev Kantonalne uprave za šumarstvo Ministarstva za poljoprivredu, šumarstvo i vodoprivredu Zeničko-dobojskog kantona, Agencija za državnu službu Federacije Bosne i Hercegovine, objavljuje

JAVNI KONKURS
za popunu radnih mjesta državnih službenika
u Kantonalnoj upravi za šumarstvo Ministarstva za poljoprivredu,
šumarstvo i vodoprivredu Zeničko-dobojskog kantona

Radna mjesta:

- 01. Viši stručni saradnik za integralnu zaštitu šuma, u Kantonalnoj upravi za šumarstvo, Odjeljenje Zavidovići - 1 (jedan) izvršilac**
- 02. Viši stručni saradnik za integralnu zaštitu šuma, u Kantonalnoj upravi za šumarstvo, Odjeljenje Žepče - 1 (jedan) izvršilac**
- 03. Stručni saradnik za ekologiju i zaštitu šuma, u Kantonalnoj upravi za šumarstvo Zenica - 1 (jedan) izvršilac**

01. i 02. Opis poslova: vrši kontrolu rada kontrolnih lugara i čuvara šuma odgovornih za reone kojim su zaduženi, učestvuje u prikupljanju podataka vezanih za integralnu zaštitu šuma, učestvuje u izradi programa integralne zaštite šuma i planova protivpožarne zaštite šuma, preduzima mjere i prati provođenje mjera održavanja šumskog reda i na sprječavanju pojave biljnih bolesti i štetočina, vodi evidencije iz zaštite šuma, vodi registar prijava za bespravne sječe drveta i registar prijava za bespravna zauzeća državnih šuma i šumskog zemljišta, izrađuje izvještaje propisane zakonom koji se odnose na integralnu zaštitu šuma (statistički podaci), izrađuje projekte za realizaciju odredaba šumsko-privredne osnove za privatne šume po katastarskim općinama za područje općine za koje je odgovorno odjeljenje, vrši obilježavanje stabala za sječu (doznaku) u privatnim šumama, vodi evidenciju o izvršenim radovima i provedenim mjerama predviđenih razvojnim planom za šume u privatnoj svojini, odgovoran je za stručno izvođenje radova po projektu za izvođenje za privatne šume, vodi registar izrađenih projekata za izvođenje za privatne šume, učestvuje u pripremi za vođenje upravnog postupka iz nadležnosti Odsjeka, obavezan je na dosljednu primjenu svih usvojenih procedura i uputstava radi provođenja sistema upravljanja kvalitetom, odgovoran je za obavljanje poslova u skladu sa procedurama propisanim ISO standardima, za svoj rad odgovoran je šefu odjeljenja.

03. Opis poslova: priprema i obavlja poslove monitoringa oštećenosti šuma i šumskog zemljišta od uticaja hemijskih, mehaničkih, klimatskih i drugih faktora, učestvuje u pripremi i davanju mišljenja za proglašenje zaštitnih šuma i šuma sa posebnom namjenom na način propisan zakonom, učestvuje u izradi i realizaciji projekata iz oblasti ekologije i zaštite šuma koji se finansiraju iz namjenskih sredstava budžeta i stranih izvora finansiranja (fondovi EU), učestvuje u postupcima donošenja

prostornih planova i prati realizaciju njegovih odredbi vezanih za biološko-ekološke vrijednosti, izrađuje prijedlog i operativno provodi aktivnosti na suzbijanju štetočina, biljnih bolesti i šumskih požara, učestvuje u davanju mišljenja na strateške studije uticaja na okoliš, kontroliše i učestvuje u provođenju mjera protivpožarne zaštite šuma, prati pojave i stepen šteta od divljači te upotrebu i efikasnost zaštitnih sredstava, koordinira i prati implementaciju usvojenih međunarodnih propisa (rezolucija, konvencija) iz područja ekologije, vodi brigu o stanju i promociji biološko-ekoloških vrijednosti zaštićenih područja, predlaže mjere zaštite staništa i vrsta prilikom bilo kakvih zahvata u šumi ili obavljanja dopuštenih aktivnosti u zaštićenim područjima, informiše i upozorava nadležne organe na eventualne negativne trendove u šumskim ekosistemima, saraduje sa ovlaštenim organima - inspekcijama s ciljem provođenja efikasnije zaštite šuma i šumskog zemljišta, saraduje sa lokalnim stanovništvom i relevantnim institucijama na edukaciji, poticanju i razvijanju programa za održivo korištenje prirodnih resursa, učestvuje u postupku izrade šumskoprivrednih osnova i prati dinamiku izrade istih, učestvuje u izradi mišljenja za formiranje i reviziju šumskoprivrednih područja, izrađuje periodične i godišnje izvještaje o svom radu i podnosi ih direktoru, učestvuje u pripremi za vođenje upravnog postupka iz nadležnosti šumarstva, obavlja i druge poslove i zadatke koji nisu izričito navedeni, a proizilaze iz zakona i podzakonskih akata i spadaju u djelokrug radnog mjesta, a po zahtjevu direktora, odgovoran je za obavljanje poslova u skladu sa procedurama propisanim ISO standardima, za svoj rad odgovaran je direktoru.

Kandidati moraju ispunjavati opće uvjete iz člana 25. Zakona o državnoj službi u Federaciji Bosne i Hercegovine:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji Bosne i Hercegovine;
4. da je zdravstveno sposoban/a za vršenje određenih poslova predviđenih za to radno mjesto;
5. da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine.

Pored općih uvjeta navedenih u javnom konkursu, kandidati moraju ispunjavati i sljedeće posebne uvjete, i to za:

Radna mjesta 01 i 02:

- VSS - VII stepen stručne spreme, odnosno visoko obrazovanje sa najmanje 240 ECTS bodova, prvog, drugog ili trećeg ciklusa bolonjskog sistema studiranja - šumarske struke,
- najmanje 2 (dvije) godine radnog staža u struci nakon sticanja visoke stručne spreme odnosno visokog obrazovanja,
- poznavanje rada na računaru.

Radno mjesto 03:

- VSS - VII stepen stručne spreme, odnosno visoko obrazovanje sa najmanje 180 ECTS bodova, prvog, drugog ili trećeg ciklusa bolonjskog sistema studiranja - ekološke struke,

- najmanje 1 (jedna) godina radnog staža u struci nakon sticanja visoke stručne spreme odnosno visokog obrazovanja,
- poznavanje rada na računaru.

Prijavljivanje-potrebni dokumenti:

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Službe za postavljenja u organima državne službe u Zeničko-dobojskom kantonu ili na web stranici Agencije www.adsfbih.gov.ba).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom [Obrascu uvjerenja](#) (može se preuzeti u prostorijama Službe za postavljenja u organima državne službe u Zeničko-dobojskom kantonu ili na web stranici Agencije www.adsfbih.gov.ba).
3. Kandidati za poziciju 03., koji obavljaju poslove namještenika u organu državne službe i koji su stekli visoku stručnu spremu, dužni su uz prijavu na javni konkurs dostaviti sljedeću dokumentaciju (original ili ovjerene kopije):
 - a) fakultetsku diplomu (nostrifikovana diploma, ukoliko fakultet nije završen u BiH ili je diploma stečena u jednoj od država nastalih raspadom SFRJ nakon 06. 04. 1992. godine),
 - b) dokaz da su zaposleni u organu državne službe kao namještenici i dokaz o pet godina radnog iskustva u organima državne službe nakon položenog stručnog ispita za namještenike, izdati nakon objave javnog konkursa,
 - c) dokaz o položenom stručnom ispitu za namještenike u organima državne službe.

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, www.adsfbih.gov.ba. Imena kandidata se ne objavljuju. Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavijestiti o vremenu i načinu dostavljanja dokaza o ispunjavanju uvjeta javnog konkursa.

Ovjerena fotokopija diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica.

Agencija može u svakoj fazi konkursne procedure zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uvjeta javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.

Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritetno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave u „Službenim novinama Federacije BiH”, neovisno od toga kada su dokazi dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH
Služba za postavljenja u organima državne službe u Zeničko-dobojskom kantonu
Kučukovići broj 2, 72000 Zenica**

sa naznakom:

**“Javni konkurs za popunu radnih mjesta državnih službenika
u Kantonalnoj upravi za šumarstvo Ministarstva za poljoprivredu,
šumarstvo i vodoprivredu Zeničko-dobojskog kantona,
sa pozivom na broj: 09-30-8-80/22“**

DIREKTOR

Refik Begić, magistar uprave